



Jadual Pembacaan Khutbah Jumaat

Siri 3/ 2024 (Mac 2024)

Bil.	Tajuk	Tarikh
1.	REFORMASI KOREKSIONAL MEMBANGUN PERADABAN	1 Mac 2024M/ 20 Syaaban 1445H
2.	PERSIAPAN BERTEMU MADRASAH RAMADHAN	8 Mac 2024M/ 27 Syaaban 1445H
3.	SEPERTIGA MALAM ANUGERAH TERINDAH	15 Mac 2024M/ 4 Ramadhan 1445H
4.	Khutbah sempena Nuzul al-Quran: MENGHAYATI TUJUAN AL-QURAN DITURUNKAN	22 Mac 2024M/ 11 Ramadhan 1445H
5.	TAWARAN EKSKLUSIF RAMADHAN	29 Mac 2024M/ 18 Ramadhan 1445H
Khutbah Kedua		

Dibiayai oleh:



Zakat Pulau Pinang

Diterbitkan oleh:



Jabatan Hal Ehwal Agama
Islam Pulau Pinang

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. YBhg. Ustaz Muhammad Fadzil bin Alias**
Pengarah, Yayasan Dakwah Islamiyah (YADIM) Pulau Pinang
- 3. YBhg. Ustaz Ahmad bin Hashim**
Penasihat, Pusat Pengajian Tahfiz Al-Quran (PPTQ)
Kolej Islam Teknologi Antarabangsa Pulau Pinang (KITAB)
- 4. YBhg. Ustaz Subki bin Mohamed**
Mantan Pensyarah Kanan, IPG Kampus Tuanku Bainun
- 5. YBhg. Dr. Mohamad Zaki bin Hj Abdul Halim**
Penolong Mufti, Bahagian Fatwa,
Jabatan Mufti Negeri Negeri Pulau Pinang
- 6. YBhg. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 7. YBhg. Tuan Ahmad Shahimi bin Senawi**
Pendakwah
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



REFORMASI KOREKSIONAL MEMBANGUN PERADABAN

1 Mac 2024M/ 20 Sya'aban 1445H

Khutbah Khas Jabatan Penjara Malaysia

الْحَمْدُ لِلَّهِ غَافِرِ الذَّنْبِ، وَقَابِلِ التَّوْبِ، شَدِيدِ الْعِقَابِ، ذِي الطَّوْلِ لَا إِلَهَ إِلَّا هُوَ
إِلَيْهِ الْمَصِيرُ، أَحْمَدُهُ سُبْحَانَهُ وَأَشْكُرُهُ عَلَى عَظَائِهِ الْكَثِيرِ، وَأَسْتَغْفِرُهُ وَأَتُوبُ إِلَيْهِ
مِنَ الْخَطَا وَالْتَقْصِيرِ.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ الْمُطَّلِعُ عَلَى مَكْنُونِ الضَّمِيرِ، وَأَشْهَدُ
أَنَّ سَيِّدَنَا مُحَمَّدًا عَبْدُهُ وَرَسُولُهُ الْهَادِي الْبَشِيرِ.

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ وَعَلَى آلِهِ وَصَحْبِهِ، أَهْلِ الْجِدِّ
وَالْتَّشْمِيرِ. أَمَّا بَعْدُ، فَاتَّقُوا اللَّهَ تَعَالَى وَأَطِيعُوهُ فَقَدْ فَازَ مَنْ اتَّقَاهُ.

PARA TETAMU JUMAAT YANG DIKASIHI SEKALIAN,

Saya berpesan kepada diri saya dan menyeru sidang Jumaat yang dikasihi, marilah sama-sama kita meningkatkan ketaqwaan kepada Allah ﷻ dengan bersungguh-sungguh melaksanakan segala perintah-Nya dan meninggalkan segala larangan-Nya. Mudah-mudahan kehidupan ini mendapat keberkatan di dunia dan di akhirat.

Sebelum meneruskan bicara, khatib ingin mengingatkan sidang hadirin sekalian, agar memberi fokus dan mendengar dengan sepenuh hati kandungan khutbah Jumaat hari ini. Elakkan diri dari leka bermain gajet, tidur dengan sengaja atau berbual-bual kerana perbuatan-perbuatan tersebut bertentangan dengan adab mendengar khutbah.



Bersempena dengan **Sambutan Hari Penjara Malaysia kali ke-234**, khutbah pada hari ini akan membicarakan tajuk: **“Reformasi Koreksional Membangun Peradaban”**.

SIDANG JUMAAT YANG DIRAHMATI ALLAH,

Jabatan Penjara Malaysia telah berusia 234 tahun dan kini telah mengalami transformasi dengan pelbagai kaedah yang telah diterima pakai dalam membangunkan banduan untuk mereka kembali hidup dalam masyarakat. Jabatan Penjara Malaysia telah memperkenalkan pelbagai kaedah untuk memulih penghuni. Antaranya dengan kaedah Parol, Perintah Kehadiran Wajib dan Pelepasan Banduan Secara Berlesen. Semua ini bertujuan membimbing banduan untuk mengenal hidup dan mampu berdikari apabila mereka bebas sepenuhnya.

Dengan kaedah-kaedah ini, kadar pengulangan jenayah dan kemasukan semula bekas banduan ke dalam penjara dapat dikurangkan kepada 24% sahaja. Ini menunjukkan bahawa transformasi yang dilakukan oleh Jabatan Penjara Malaysia telah berjaya membentuk bekas banduan menjadi manusia yang mampu meneruskan hidup baru dalam masyarakat.

Jabatan Penjara Malaysia telah mereformasi penjara untuk menjadikannya tempat membangun peradaban manusia. Kaedah layanan, pemulihan dan keselamatan diperkasakan berdasarkan Pusat Pembangunan Peradaban Budaya Manusia dan juga melalui Dasar Agama dan Kaunseling. Ia bertujuan membentuk keperibadian dan menerapkan nilai dan emosi kemanusiaan berdasarkan kepada pembangunan Akal, Jasad dan Rohani. Hakikatnya, penjara bukanlah



wujud pada hari ini sahaja malahan telah wujud sejak berkurun lamanya. Allah ﷻ menceritakan kisah ini di dalam al-Quran melalui Surah Yusuf ayat 100:

... وَقَدْ أَحْسَنَ بِي إِذْ أَخْرَجَنِي مِنَ السِّجْنِ وَجَاءَ بِكُم مِّنَ الْبَدْوِ مِن بَعْدِ أَنْ نَزَغَ الشَّيْطَانُ بَيْنِي وَبَيْنَ إِخْوَتِي ... ﴿١٠٠﴾

Maksudnya: ...”Sesungguhnya Tuhanku telah melimpahkan kebaikan kepadaku ketika dia membebaskan aku daripada penjara dan ketika dia membawa kamu ke sini dari desa setelah syaitan (dengan hasutannya) merosakkan hubungan antaraku dengan saudara-saudaraku.”

SIDANG JUMAAT YANG DIRAHMATI ALLAH,

Diriwayatkan dalam Sunan Abu Daud bahawa Rasulullah ﷺ sendiri pernah menahan seorang lelaki yang dituduh melakukan kesalahan dan juga menahan tawanan perang yang bernama Thumamah bin Athal (ثُمَامَةُ بْنُ أَثَالٍ) . Kedua-dua mereka diikat di tiang masjid sebagai kaedah pemenjaraan pada ketika itu.

Saidina Umar bin al-Khattab رَضِيَ اللَّهُ عَنْهُ telah melakukan transformasi ketika pemerintahannya dengan memperuntukkan wang sebanyak 4,000 dirham untuk membeli rumah Sofwan bin Umayyah bagi dijadikan sebuah penjara. Langkah yang sama diikuti oleh Saidina Ali bin Abi Tolib رَضِيَ اللَّهُ عَنْهُ dengan membangunkan sebuah penjara yang diberi *Mukhayyis*. Penjara yang terkenal dan bertahan lama sehingga digunakan oleh khalifah-khalifah yang seterusnya.

Muslimin Rahimakumullah,

Menurut Ibn Qayyim, penjara dari sudut syarak bukan semata-mata penahanan di tempat sempit, tetapi menghadkan batas kebebasan pergerakan seseorang pesalah sama ada di masjid mahupun di rumah sepertimana pernah dilakukan oleh Rasulullah SAW dan khalifah-khalifah Islam. Tahanan sementara (reman) pula disebut *al-Habs al-Ihtiyati*, yakni menahan seorang tertuduh yang belum disabitkan kesalahan. Ia bukan merupakan suatu hukuman, tetapi sebagai tahanan sementara semasa tempoh siasatan dijalankan agar tertuduh tidak melarikan diri. Hukuman penjara di sisi Islam terletak di bawah kategori ta'zir.

Dalam pentadbiran Islam, hukuman penjara dikenakan kerana beberapa tujuan:

Pertama: Untuk pembalasan di atas kesalahan yang dilakukan demi mewujudkan keadilan kepada semua pihak.

Kedua: Untuk tujuan pencegahan agar pesalah tidak mengulangi kesalahan yang dilakukan atau bertujuan memberi amaran kepada masyarakat umum agar tidak melakukan kesalahan yang sama.

Ketiga: Untuk tujuan pemulihan agar pesalah bersedia kembali secara normal ke dalam masyarakat kerana dia dianggap pesakit yang memerlukan rawatan sama ada di segi mental mahupun fizikal, dan

Keempat: Untuk tujuan soal siasat bagi mendapatkan bukti yang kukuh atau keterangan yang lengkap sebelum seseorang tertuduh atau tahanan itu didakwa dan disabitkan di mahkamah.

Tujuan pemenjaraan dalam Islam bukanlah semata-mata untuk menghukum kesalahan seseorang pesalah tetapi juga untuk membangunkan kembali nilai kemanusiaan yang ada dalam diri mereka sebagai insan yang bertamadun. Ini selaras dengan tuntutan Islam yang menghendaki umatnya sentiasa mereformasi diri menjadi lebih baik sejajar dengan tuntutan Al-Quran dalam surah Ar-Ra'd ayat 11:

... إِنَّ اللَّهَ لَا يُغَيِّرُ مَا بِقَوْمٍ حَتَّى يُغَيِّرُوا مَا بِأَنْفُسِهِمْ ۚ وَإِذَا أَرَادَ اللَّهُ بِقَوْمٍ سُوءًا فَلَا مَرَدَّ لَهُ ۚ وَمَا لَهُمْ مِنْ دُونِهِ مِنْ وَالٍ ﴿١١﴾

Maksudnya: "...Sesungguhnya Allah tidak mengubah keadaan sesuatu kaum sehingga mereka mengubah keadaan yang ada pada diri mereka sendiri. Apabila menghendaki keburukan terhadap sesuatu kaum maka tidak ada yang dapat menolaknya dan tidak sekali-kali ada pelindung bagi mereka selain dia (Allah)."

SIDANG JUMAAT YANG DIRAHMATI ALLAH,

Dengan kerjasama daripada Majlis Agama Islam dan Jabatan Agama Islam Negeri-negeri, Jabatan Penjara Malaysia telah mewujudkan 4 buah sekolah tahfiz untuk penghuni di samping kelas-kelas pengajian agama harian, latihan-latihan industri dan program-program kemasyarakatan yang dilaksanakan di setiap institusi penjara seluruh Malaysia. Usaha-usaha yang dilakukan bukanlah menggambarkan keistimewaan kepada penghuni tetapi sebagai usaha memastikan banduan yang dibebaskan telah dibina semula, insaf, terlatih, berdikari serta mampu menjadi warganegara yang berguna kepada agama, bangsa dan negara.

Oleh itu, mimbar menyeru semua pihak agar bersama-sama berganding bahu dalam memastikan peranan dan amanah ini dilaksanakan dengan sempurna.

SIDANG JUMAAT YANG DIRAHMATI ALLAH,

Intipati khutbah pada hari ini adalah seperti berikut:

Pertama: Islam sentiasa menggalakkan umatnya mengubah nasib diri mereka ke arah yang lebih baik kerana jalan kebaikan sentiasa terbentang luas.

Kedua: Sebaik-baik manusia disisi Allah ﷻ adalah orang yang bertaubat kepada Allah dan memperelokkan segala amalannya kerana Allah sentiasa membimbing hamba-Nya.

Ketiga: Transformasi peradaban manusia yang dilakukan oleh pihak Jabatan Penjara Malaysia bertujuan melahirkan bekas banduan yang insaf dan mampu bersama-sama membangunkan agama, bangsa dan negara.

Firman Allah ﷻ :

إِلَّا مَنْ تَابَ وَآمَنَ وَعَمِلَ عَمَلًا صَالِحًا فَأُولَٰئِكَ يُبَدِّلُ اللَّهُ سَيِّئَاتِهِمْ حَسَنَاتٍ ۖ وَكَانَ
اللَّهُ غَفُورًا رَحِيمًا ﴿٧٠﴾

Maksudnya: “Kecuali orang-orang yang bertaubat serta membuat kebaikan, maka kejahatan mereka diganti Allah dengan kebaikan. Sesungguhnya Allah Maha Pengampun lagi Maha Penyayang.”

(Surah al-Furqan ayat 70)

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ،
أَقُولُ مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ،
فَاسْتَغْفِرُوهُ، إِنَّهُ هُوَ الْغَفُورُ الرَّحِيمُ.



خطبة كدوا بولن مچ

2024M/ 1445H

الْحَمْدُ لِلَّهِ عَلَى آلائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
 وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُجَّتِهِ،
 وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
 صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
 وَزِنَةَ عَرْشِهِ وَمِدَادَ كَلِمَاتِهِ.
 أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
 وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
 حَكِيمًا:
 إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
 وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
 إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

SIDANG JUMAAT YANG DIRAHMATI ALLAH,

Khatib juga ingin mengambil kesempatan sempena Sambutan Hari Hasil ke 28 pada hari ini untuk kita bersama-sama memberi sokongan penuh kepada Lembaga Hasil Dalam Negeri Malaysia (LHDN). Ayuh tunaikan tanggungjawab sebagai warganegara Malaysia dengan melaporkan



pendapatan dan membayar cukai. Semoga amalan ini menjadi jihad dan dikira sebagai ibadah serta mendapat keberkatan dari Allah Azzawajalla.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،

اللَّهُمَّ اعِزَّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَانْصُرْ مَنْ نَصَرَ الدِّينَ، وَاخْذُلْ مَنْ خَذَلَ الْمُسْلِمِينَ، وَأَعْلِلْ كَلِمَتَكَ إِلَى يَوْمِ الدِّينِ.

اللَّهُمَّ انْصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ مَكَانٍ، اللَّهُمَّ ثَبِّتْ إِيْمَانَهُمْ وَأَنْزِلِ السَّكِينَةَ فِي قُلُوبِهِمْ وَوَحِّدْ صُفُوفَهُمْ.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Sultan Ibrahim dan Kebawah Duli Yang Maha Mulia Seri Paduka Baginda Raja Permaisuri Agong, Raja Zarith Sofiah.

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta dapat mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP).



Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٧٠﴾ فَادْكُرُوا اللَّهَ الْجَلِيلَ
يَذْكُرْكُمْ، وَاشْكُرُوا عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٧١﴾